

### EPIGRAM OF PRAXITELES

Praxiteles aere est proprios imitatus amores:  
archetypum ex animo sic trahit ipse suo.

### FRAGMENT OF PINDAR

Pura e tenebris gignere lumina  
Scit diuus, idem aut inficiet nigra  
Caligine umbrarum nitentem  
Luciferum et radios serenos.

### FROM ARCHILOCHUS

Auro fluentem nil moror Gygem, neque  
me cepit unquam invidia: non caelestium  
admiror artes aut tyrannida appeto  
magnam: istud omne longe abest oculis meis.

### FRAGMENT OF SIMONIDES

Orpheus cum tetigit lyram,  
concursant uolucres mille supra caput;  
delphines pelagi uadis  
ad blandum exsiliunt caeruleis melos.

*Bedford (England).*

Versio Latina: *G.M.Lee.*